

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ

Савјет националних мањина БиХ



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM / ZASTUPNIČKI DOM

Vijeće nacionalnih manjina BiH

Broj: 05/7-39-1-158-4/23

Sarajevo, 23. 2. 2023.

Z A P I S N I K

4. sjednice Vijeća nacionalnih manjina BiH, održane 21. 2. 2023.

Sjednica Vijeća nacionalnih manjina BiH počela je u 17 sati.

Sjednici su prisustvovali: Zamire Sokoli-Begović, Davor Ebner, Skender Mustagrudić, Željko Vaško, Franjo Rover, Ernest Grin, Saša Mićin, Todorka Jovanović, Velibor Kuvač, Dejan Piotrovski, Mujo Fafulić, Violeta Džolan, Igor Kotjelnikov, Mihal Hemun, Danijel Štefek, Dragica Tešić, Hakan Varan i Miroslav Bobrek.

Sjednici su, također, prisustvovali: Aida Kreho i Enver Bogućanin iz Sekretarijata Parlamentarne skupštine BiH.

Za sjednicu je predložen sljedeći

D N E V N I R E D

1. Razmatranje Prijedloga zapisnika 3. sjednice Vijeća nacionalnih manjina BiH;
2. Dogovor o preliminarnim datumima za:
 - a) održavanje zajedničkog sastanka predstavnika Vijeća nacionalnih manjina BiH i Ministarstva civilnih poslova BiH o temi sufinansiranja projekata za udruženja nacionalnih manjina;
 - b) održavanje zajedničkog sastanka predstavnika Vijeća nacionalnih manjina BiH i Ministarstva za ljudska prava i izbjeglice BiH;

c) održavanje zajedničkog sastanka Vijeća nacionalnih manjina BiH sa savjetom i savezom nacionalnih manjina Republike Srpske, Federacije BiH i Brčko Distrikta BiH;

3. Određivanje radnih grupa za:

a) pripremu analize Zakona o zaštiti prava pripadnika nacionalnih manjina BiH i priprema eventualnih prijedloga i izmjena;

b) pripremu tematske sjednice „Položaj nacionalnih manjina u obrazovanju“;

c) pripremne aktivnosti na pokretanju portala nacionalnih manjina BiH;

4. Upoznavanje s dopisom Savjetodavnog komiteta za Okvirnu konvenciju za zaštitu nacionalnih manjina i terminom posjete Bosni i Hercegovini;

5. Tekuća pitanja.

Dnevni red jednoglasno je usvojen.

Ad. 1. Razmatranje Prijedloga zapisnika 3. sjednice Vijeća nacionalnih manjina BiH

Nakon uvodnih riječi, te s obzirom na to da nije bilo rasprave, Zapisnik je jednoglasno usvojen.

Ad. 2. Dogovor o preliminarnim datumima za:

a) održavanje zajedničkog sastanka predstavnika Vijeća nacionalnih manjina BiH i Ministarstva civilnih poslova BiH o temi sufinansiranja projekata za udruženja nacionalnih manjina;

b) održavanje zajedničkog sastanka predstavnika Vijeća nacionalnih manjina BiH i Ministarstva za ljudska prava i izbjeglice BiH;

c) održavanje zajedničkog sastanka Vijeća nacionalnih manjina BiH sa savjetom i savezom nacionalnih manjina Republike Srpske, Federacije BiH i Brčko Distrikta BiH

Podtačke a) i b)

Nakon što je predsjedavajući podsjetio na to da se radi o aktivnostima predviđenim Planom rada Vijeća za 2023. godinu, odnosno za prvi kvartal 2023. godine, otvorena je rasprava o svim podtačkama.

Nakon rasprave, u kojoj su učestvovali: Saša Mićin, Davor Ebner, Velibor Kuvač, Franjo Rover i Mujo Fafulić, jednoglasno je dogovoreno da se uputi dopis Ministarstvu za ljudska prava i

izbjeglice BiH i Ministarstvu civilnih poslova BiH sa zahtjevom za održavanje sastanka s predstavnicima Vijeća: Mujom Fafulićem, Franjom Roverom i Violetom Džolan. Dogovoreno je da predstavnici Vijeća međusobno dogovore i predlože datum sastanaka, te da bi bilo poželjno oba sastanka održati isti dan i, svakako, prije sjednice Vijeća u martu. Također, dogovoreno je da svi članovi Vijeća dostave svoje prijedloge za teme razgovora na planiranim sastancima.

Podtačka c)

Imajući u vidu da je u aprilu 2023. godine, u organizaciji Misije OSCE-a u BiH, planirano održavanje zajedničkog sastanka svih vijeća nacionalnih manjina sa svih nivoa vlasti, jednoglasno je dogovoreno da se za taj sastanak predlože teme, te dogovore načini organiziranog i zajedničkog djelovanja svih vijeća prema organima vlasti u Bosni i Hercegovini.

Ad. 3. Određivanje radnih grupa za:

- a) pripremu analize Zakona o zaštiti prava pripadnika nacionalnih manjina BiH i priprema eventualnih prijedloga i izmjena;**
- b) pripremu tematske sjednice „Položaj nacionalnih manjina u obrazovanju“;**
- c) pripremne aktivnosti na pokretanju portala nacionalnih manjina BiH.**

Podtačka a)

Nakon uvodnih napomena i rasprave u kojoj su učestvovali: Mujo Fafulić, Todorka Jovanović, Violeta Džolan, Franjo Rover, Miroslav Bobrek, Saša Mićin, Velibor Kuvač, Ernest Grin, Dragica Tešić, Igor Kotjelnikov, Skender Mustagrudić, te različitih prijedloga za otpočinjanje aktivnosti na izradi analize Zakona i pripremi njegovih izmjena i dopuna, jednoglasno je dogovoreno da se prikupe i dostave svi do sada izrađeni materijali u vezi sa Zakonom o zaštiti prava pripadnika nacionalnih manjina BiH, te da se na zajedničkom sastanku svih vijeća razgovara o potrebi i načinu izrade analize i izmjena/dopuna Zakona.

Podtačka b)

U raspravi o ovoj podtački dnevnog reda učestvovali su: Željko Vaško, Miroslav Bobrek, Ernest Grin, Davor Ebner, Igor Kotjelnikov i Dragica Tešić, te je jednoglasno dogovoreno da radnu grupu koja će raditi na pripremi i izradi materijala o temi „Položaj nacionalnih manjina u obrazovanju“,

koji će zatim biti razmatran na Vijeću i predstavljen javnosti, čine: Željko Vaško, Ernest Grin, Igor Kotjelnikov i Miroslav Bobrek.

Podtačka c)

Nakon rasprave u kojoj su učestvovali: Mujo Fafulić, Dragica Tešić, Saša Mićin, Davor Ebner, Velibor Kuvač i Franjo Rover, a u kojoj su istaknute prepreke za uspostavljanje portala ili veb-stranice koja bi se bavila isključivo manjinama, Dragica Tešić, koja je bila i predlagač uspostavljanja portala/veb-stranice nacionalnih manjina, odustala je od navedene inicijative, do eventualnog pronalaženja rješenja za neke od navedenih prepreka.

Ad. 4. Upoznavanje s dopisom Savjetodavnog komiteta za Okvirnu konvenciju za zaštitu nacionalnih manjina i terminom posjete Bosni i Hercegovini

Članovi Vijeća primili su k znanju najavu posjete Savjetodavnog komiteta za Okvirnu konvenciju za zaštitu nacionalnih manjina u Bosni i Hercegovini, te odlučili prihvatiti poziv za sastanak s njima, predviđen u periodu od 24. do 28. aprila tekuće godine. Također, svi članovi upoznati su s mogućnošću davanja komentara na dostavljeni izvještaj Savjetodavnog komiteta.

Ad.5. Tekuća pitanja:

a) Inicijativa za prikupljanje pomoći za nastradale u zemljotresu u Turskoj i Siriji (inicijativa Dejana Piotrovskog)

Dejan Piotrovski predložio je da svi zainteresirani članovi Vijeća uplate određeni iznos na bankovni račun, čiji će broj biti naknadno dostavljen, te da se prikupljeni novac raspodijeli za nastradale u zemljotresima u Turskoj i Siriji (uz napomenu da je potrebno pribaviti informaciju na koji način je moguće izvršiti transfer novaca za pomoć Siriji). Informacija o prikupljenom novcu i izvršenoj uplati bit će dostavljena svima koji se odazovu akciji.

Sjednica je završena u 18.30 sati.

Sekretar
Zajedničke komisije za ljudska prava
Aida Kreho

Predsjedavajući
Vijeća nacionalnih manjina BiH
Mujo Fafulić